

dieser so herrlichen vnd warhastigen Propheceyung / zu schuldiger
danckbarkeit gegen Gott vnd Ew. R. Mayt. vnd zu ferneren Buß-
fertiger fürsichtigkeit / vnd beständiger Trostermahnung zu er-
munteren / vnd mit dieser Bußposaunen auffzuwecken.

Ewere Kön. Mayt. aber zum Patrono vnd Schutzherrn dieses
scripti wider alle N. Sophisten vnd warheitthässige Cavillanten
hab ich vnderthänigst zu erwehle mich erkünet mit demütigster bitt /
Ewere R. M. wollen solche meine trew- vnd wolgemeinte berufss-
arbeit in Königl. gnaden auffnehmen / vnd mein gnädigster König
vnd Herz / wie aller der Augspurg. Confessions. verwanten / seyn
vnd bleiben: auch ferner wol vnd allezeit zum Königl. herren an-
men / die schöne Trost- vnd Feldpredigt / welche der Geist Gottes
Ew. Kön. Mayt. so wol / als vorzeiten dem König Asa vnd seiner
Armee durch den Propheten Asaria, vorhelt / 2. Chron. 15. cap.
Höret mit zu / Asa vnd gannes Juda vnd Benjamin / (also sage
ich hoch- vnd Niederdeutschlandt höret zu /) der H. Erz ist mit euch /
weil ihr mit ihm seyd / vnd wenn ihr Ihn suchet / wird er sich von
euch finden lassen: werdet ihr Ihn aber verlassen / so wird er euch
auch verlassen / es werden aber viel tage seyn in Israel / dz kein rech-
ter Gott / kein priester der da lehret / vnd kein geseß seyn wird: (Ach
Gott sey es geklaget / in vieler 1000. menschen herren / auch vnter
vns Evang. Teutschlands / istis traun allzuwahr / wie solches die
offenbaren sündenwerck vnd vnthaten bezeugen /) vnd wenn sie sich
bekehren in ihrer noth zu dem H. Erzen dem Gott Israel / vnd wer-
den ihn suchen / so wird er sich finden lassen / zu der zeit wirds nicht
wol gehen / dem der auß vnd eingehet / dann es werden grosse Ge-
tummel seyn vber alle die auff Erden wohnen / dann ein Volck
wird das andere zerschmeissen / vnd eine Statt die andere. Dann
Gott wird sie erschrecken mit allerley angst (vnd ist zu besorgen / des
Krieg werde sich noch in einem Jahr nicht endigen lassen /
zumahl weil die hartigkeit der Herren / vnd Landkündige vnbuß-
fertigkeit bey dem meisten Hauffen vnter vns noch / so hart bey ho-
hen vnd nidrigen geist- vñ weltlichen anhelt) Ihr aber seyd gestrost /